

scantes totam noctem nihil ceperunt : piscatores A doctores veteres, in nocte ostendit ante adventum Christi nullas ad perfectionem per prædicationem legis veteris venisset.

Mane autem facto : ostendit factum adventum Christi : mittite in dexteram partem, id est, mittite prædicationem in gentibus. Erat enim Petrus nudus, id est nudi erant a fide Christi : tunica succinxit se, id est fidem Ecclesiæ : misit se in mare, id est in fluctuationibus, et amaritudines mundi per dilectionem Christi : alii discipuli navigio venerunt, id est, in Ecclesia fluctuationem mundi calcantes viderunt prunas, et piscem et panem positum, per piscem ostendit fidem, per prunas calorem caritatis, per panem verbum divinum : trahentes rete in terram, per littora ostendit finem mundi : plenum magnis piscibus, id est, plenitudo et magnitudo Ecclesiæ, per remissionem peccatorum : per tres ostendit trinitatem : indivisum rete et non scissum, id est, Ecclesiam in futuro incorruptam : manducavit Jesus post resurrectionem, ostendit veram incarnationem corporis ut credentes crederent.

Dixit Jesus, Simon Joannis amas me? Ostendit sicut ter negavit, ut ter confiteretur fidem Trinitatis : pasce oves meas id est in Ecclesia : ingressus Jesus januis clausis ostendit quia clausis ingressus est januis uterum, sic et omnes sancti post resur-

rectionem induunt spiritale corpus, ubique sine metu ingredi possunt, unde integer et incorruptus matrimonio, tres testificant hanc sententiam.

Discipulus quem amabat Jesus. Secunda virtus est quod fecit Jesus in Cana Galilææ, vinum de aqua expressit opus paratum virginitatem Joannis, ostendit quia illi sponsa conjuncta est : testimonium quod commendavit Jesus matrem suam Joanni : Maria Ecclesia figuratur. Johannes principatum, sicut fuit Johannes virgo matrimonio, sic fuit incorruptus et morte : Joannes genealogiam de divinitate narrat, nam alii de homine narrat : de divinitate Johannes dicit, in principio erat verbum, iste jacebat super pectus Jesu, et scientia divinitatis quæ fuerat in pectore Jesu ascendit Johannes de conjunctione duorum pectorum ; insita arbor, in alter facit fructum arboris, alterius in qua plantatur. Si secundum ordinem canonis iste liber Mathæum præmittendus esset, et quod in novissimam positus partem, est quia terra primis sanctificata est, deinde aqua, et postea novissime ignis quia clarior est et subtilior : item in similitudinem duarum legum, id est, vetus et novum ; vetus prior tradita erat, nova tamen clarior est et major, quia de cœlestibus discernit et abundantior mea, quod ad Evangelium Joannis pertinet ex supra dicta.

WALAFRIDI STRABI

FULDENSIS MONACHI

PICTURÆ HISTORIARUM NOVI TESTAMENTI.

(Apud Goldast., Manuale Biblicum.)

Angelus ecce seni promittit munera nati
Quem populus trepidans foris expectabat et orans.

AL.

Concipit en verbo prolem castissima Virgo.

AL.

Angehus hic sponsum Joseph commendat aleudum.

AL.

Hic genitrix Domini meat, Elisabethque salutatur,
Utque Deo exsulet Joannem Spiritus implet.

AL.

Zacharias soboli nomen posuere propinqui,
Sed in imagine Joannes certant vocitare parentes.

AL.

Nuntiat angelicus Christum pastoribus hymnus.

AL.

In stabulo Dominum celebrant en omnia parvum.

AL.

Ecce Magi solio præsentant munera vero.

AL.

In Joannis moniti faciem fugere tyranni.

C AL.
Sistitur hic Domino Jesus cum munere jusso,
Mox ipsum Dominum didicerunt corda piorum.

AL.

Partibus Ægypti differtur passio Christi,
Quem simulacra tremunt et chara habitacula linquant.

AL.

Præcipit Herodes natos cruciari recentes :
Millia lactantum tendunt lætantia cælum :

AL.

En senibus potior reperitur pusio doctor,
Qui tamen imperium dignatur ferre parentum.

Explicit de infantia Christi.

D (Hi versus in dextro pariete chori : Isti vero in dextro pariete stationis populi.)

Baptizat Dominum servi devotio summum,
Prædicat hunc genitor : invisit Spiritus uictor.

AL.

Dæmonis en frandes Christus contemnit inanes,
Ejus cunctimodas ducens ut stercora pompas.

AL.
 Demonstrat placidum Joannes nutibus agnum.
 AL.
 Andreas sequitur, fratri comperita profatur.
 AL.
 Imperat os vitreum post se properare Philippum,
 Nathanael spissa qui mox subducit ab umbra.
 AL.
 Testibus nisce novum fecit de flumine signum,
 Conviviis latices in vitea pocula vertens.
 AL.
 Retia germani linquunt in nomine Christi,
 Mox alij lacrymas spernunt cum nave paternas.
 AL.
 Omnipotens medicus, hominum miserator et unus,
 Omnimodis pressos jussit discedere sanos.
 AL.
 Spiritibus diris hominum de corpore pulsus
 Das pecudum furiare greges, justissime iudex.
 AL.
 En Verbum Domini curat medicamine verbi,
 Præcipit et sanum proprium portare grabatum.
 AL.
 Principis ut natam sanet vel suscitet, ibat.
 AL.
 Furatur mulier sacra de veste salutem.
 AL.
 Reddidit en stupidæ Dominus sua munia dextræ.
 Cousilium stolidi faciunt de sanguine Christi.
 AL.
 Unicus en viduæ redivivus redditur orbæ.
 AL.
 Ingeminant plebes; o vere magne prophetes.
 AL.
 Saltatrix petiit caput innocuumque recepit:
 Lictores fluvidum linquunt in carcere truncum.
 AL.
 Panibus ex quinis, et piscibus haud mage binis,
 En hominum larvæ saturantur millia quinque.
 AL.
 Christum aquæ fluctus pressit vestigia gressu,
 At fidei dubium mergunt vada turgida Petrum.
 AL.
 Hydropicnm tangente manu quæ cuncta creavit,
 Pallidus humor abit, facies et læta rubescit.
 AL.
 Ecce decem mundans templo se ferre jubebat;
 Unus regreditur grates persolvere Jesu.
 AL.
 Contentus pueros Deus est benedicere parvos,
 Talibus atque sui promittit gaudia regni.

AL.
 A Hic scribæ Domino sistunt in crimine captam,
 Quam placidus censor damnatis solvit eisdem.
 AL.
 Ex limo reparat quidquid natura negabat,
 Qui luteum primo totum plasmaverat Adam.
 (Huc usque de miraculis Domini in dextro pariete:
 hi vero in fronte occidentali, in spatio quod supra
 thronum est.)
 Ecce tubæ crepitant, quæ mortis jura resignant:
 Crux micat in cœlis, nubes præcedit et ignis.
 (Hic etiam subtus thronum inter paradisum et in-
 fernum.)
 B Hic resident summi Christo cum iudice sancti
 Justificare pios, baratro damnare malignos.
 (Passio Domini in sinistro pariete stationis populi.)
 Esse sibi Patrem Domino tractante Tonantem,
 Plebs furibunda pium certat lapidare magistrum.
 AL.
 Mortue quatriduo fetens et corpore toto,
 Lazare, surge, veni, te morti tollo rapaci.
 AL.
 Funeris obsequium mulier prævenit amicum,
 Dum caput atque pedes nardo perfudit honora.
 AL.
 Mansuetum regem plebs devota frequentat
 Frondea cum festis præiens comitansque choreis.
 AL.
 C En urbis miseræ dignatur flere ruinas
 Quæ manibus crudis ipsum discerpere gestit.
 AL.
 Hic sub carne latens deitas per signa patescit,
 Dum turbas patria flagro proturbat ab aula.
 AL.
 En sicum viridem sterilem remanere jubebat,
 Quod sibi jejuno fructum præbere negabat.
 AL.
 Agricolæ servos cædentes vulnere sævo
 Post natum Domini satagunt hic mittere morti.
 AL.
 D Gentiles Dominum cupiunt jam cernere Christum:
 Discipulos idem mortem perferre docebat.
 AL.
 Ecce sacerdotum primi populique nefandi
 Infidum famulum censu corrumpere gaudent.
 Cætera desunt.